

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

四庫全書存目叢書補編

齊魯書社出版

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第五六冊

補編第五十六冊目次

林初文先生詩選一卷

〔明〕林章撰

中國科學院圖書館藏明崇禎刻本

一

金文通公集二十卷疏草六卷詩集三卷外集八卷

〔清〕金之俊撰

中國科學院圖書館藏清康熙刻本

二〇

陋軒詩一卷

〔清〕吳嘉紀撰

中國科學院圖書館藏清康熙元年賴古堂刻本

五六〇

林左堂續集三卷

〔清〕孫致彌撰

中國科學院圖書館藏清乾隆刻本

五八九

四香樓詩鈔三卷

〔清〕範纘撰

中國科學院圖書館藏清刻本

六三四

林初文先生詩選一卷

〔明〕林章撰

中國科學院圖書館藏明崇禎刻本

附《四庫全書總目·林初文詩

選一卷》提要

林初文詩選序

士之有才猶夫女之有色必其脩之於身藏之於家者非一日矣而後為玉帛之所致媒氏之所營也苟其上乏明王之夢而下鮮君子之求則其於枯槁無用不敢自表見不然士有才而必用女有色而必售則知已不

序

足重而入宮不見妬矣得乎哉吾聞有林初文孝廉者才士也其在公車也不欲以庸孝廉自處好為人排難解紛乃以無心獲罪于獄中作文若干首司寇謝公大奇之而察非其罪也出之于縲紲之中君雖得復其故物又不欲乞恩從仕遇有遼海之役累上

書進奇策不報又以時事誅于兵食
願以其身列戎行鍊甲兵固根本之
地為一旦倘緩急竟為疾者所絕觸
憲而死噫亦足悲矣今天下本無事
也即有事矣未嘗乏人也一事之起
千百人之功名也乞之者衆而持之
者胥矜色有授一不相知之人乎我

序

二

以計畫干之彼亦必謬為傾倒而目
曰才士才士者不用之扁鵲也間得
一二策善且襲為己胥唯恐我之在
傍見之尚欲求用乎予太悲乎君之
不早見也予不獲與君游而後乃與
君之子游曰是以悲君君獄中之父
予少時見之其為文也多所自況蓋

亦灼灼于事理矣其不免命也君之
詩蛾眉篇寂著秋征賦司寇以之自
比海月賦者予交其子迺得讀之竊
歎司寇為知言他所佐多且奇君之
子襄輯藏之梁溪尤君時純選一帙
以序問予予復拈其數語如客情似
春草無處不堪生春風與柳樹年并

序

三

是故人無家逢寺好多病見僧親晚
烟常帶雨夜月忽啼禽春好年年晚月
寒夜夜秋行人遙指點道是古幽州
野水上道路涼風吹衣裳獨憐山寺
月相送海門秋千山風雨裏一任子
規啼皆絕酸楚寥落可詠可傳益想
像其胥才不偶之狀而汲汲知已于

世也或曰初父之詩所見稱者謝得其大而子得其細尤得其全而子得其偏是予前媿司寇而後媿時純矣時純者亦與君之子游者也丁未孟秋之晦里人曹學佺



序

四

林初文孝廉集選序

盛明客遊金陵樓古華林園與林子丘茂之兄弟比舍二子奉母孝友有聞明爲定笄曰交聞及其家世二子泣下曰余先閩人也先君子嘗薦於鄉後以上書諫止礦稅獲忌於時相爲其所陷死于詔獄冤痛至今今母子飄零家徒四壁唯遺稿一帙先人之骨可與不朽者賴有此耳明聞其言乃愀然歛容取其稿而讀之嘆曰是何天之賦其才而奪其遇也明生也晚恨不及見先生幸讀此知先生爲忠義豪傑人故其一片沉雄悲壯之氣凜然猶生全副精神浮於奏疏其詩賦則命意深奇興遠工不饒格奇不剝韻淋漓若風雲之橫鶩錯落若星斗之下翻近世詞家何可易及旣明遊倦別二子歸是集隨還去間遇海內名流耳先生名者率以未見其著述爲恨明始悔不錄置奚囊泉之上松之下山涯水湄與知者共賞今夏與吳無畏重入金陵尋二子握手道故仍請先生遺集歷覽

諸體先錄詩賦若干首題曰林孝廉集選急付諸梓請曹能始民部序而傳之通邑大都以爲蒿矢其奏疏文字卷帙頗繁力未能及蓋先生之才如馬班氣如董賈文學經濟寔兼有之非詞人墨客自了生平者比其真忠精誠流貫天地自然不泯千百世而下定有知己者在明不敢任爲盡知先生也聊爲書其始末如此

萬曆丁未夏日勾吳後學尤盛明時純甫譔

林初文先生詩選序

子

先子自有集也此特友人尤時純選其百之一二耳然已行之有年及今始克梓其全人子之心可以少慰矣但全行頗難不如選易此無他故傷哉貧也時純既沒板久磨滅故爲重梓之或使孤行以選導全全不廢選願大方君子賜覽之餘哀其非得已之心而索其全則先子可以真不朽矣崇禎元年秋仲男古度識

林初文先生詩選

福唐林章著

閩江吳三畏選

句吳尤盛明

白下胡宗仁校

秋征賦

癸巳之歲林子將歸沿河涉濟沂江泊淮汎百川之瀕洞霖九旬之霏霰望流星而東指託浮雲以南飛於是白氣分秋青山向暮一輪當潮孤帆在渡感風波驚節序張平子動其四愁宋大夫爲之一賦辭曰何馮夷之不靖兮樓禁伯以相戲矧勾龍之失馭兮致化蛇於爭馳十雨不需三霖以震九坎既滲四瀆迺瀟灑之野無草江漢之民其魚尾間泄之穴小精衛填之石多魃不止絲難治堪教夸父飲豈待相繇吹邇其涖濟乍休汜濫未歇霏霰不開莽蒼無竭鳥栖兮巖阿魚游兮水末四鰲蕩兮山欲漂九鳥沈兮日不出眺孤城兮微茫下千里兮儵忽

森綠汀兮何之采白蘋兮難越烟波暝兮傷客
心風露爽兮驚人骨攬羅衣兮悵清宵艤蘭橈
兮待明月既而榆光亂發桂影漸流玄官入息
素娥出遊空明鏡展波淨珠浮江山朗而疑晝
雲海混以爭秋清搖玉宇三千界涼浸瑤京十
二樓無處擲空中之杖何人吟渚畔之舟織女
迷于漢沼麻姑失其瀛洲庾元規翫之而怵惚
張博望泛之以踟躕迺有五陵俠兒三輔貴客
維飛盧于上陽連畫舫乎中澤舉芳尊兮發清
音揚微瀾兮弄皓霸賞十分罰一石愁明朝娛
今夕但知齊客食有魚那論魯史書無麥若夫
騷人適楚遷客辭秦離家萬里去國孤身蹇笑
蓉乎江潯咏蒹葭於河濱盼東山之皎月思西
方之美人徬徨兮失楫敞罔兮迷津願捐珉以
遺下女敬沈璧而告明神又有吳娃若蕙越妓
如蘭當年少恨對景多歡憐三五之素魄矜二
八之朱顏爭疑粧而待照故徙倚以臨瀾翠影
落兮川媚驚聲徹兮雲間悅水天兮漾漾闌人

月兮團圓若夫蕭闌戍婦徐隣處女年年擣衣
愁夜夜分燈苦銀河兮斷橋玉門兮極浦錦字
慘乎題雲絲窓潛其拂雨獨登樓疇倚柱生憎
蟾影之窺幃不喜苔痕之入戶又有離亭十里
陽關三闋王孫未歸公子乍別想故人之清光
惜異鄉之佳節舞桂樹之婆娑歌漢流之嗚咽
悵潺湲兮不回愁團圓兮易缺攀瓊樓以將顛
擊蘭槳而欲折至若菊邨萬井粉社千家籬傍
繫鸛鵲裏產蛙桑婦之曲自怨瓠子之歌孰嗟
有所畏其如虎無所逃而之蛇桃華兮菜色白
骨兮黃沙控織阿兮天上啼夫諸兮水涯嗟夫
雨暘失時陰晴易紀得喪殊途懼愁異旨樂莫
樂兮伊人悲莫悲兮之子將致怨乎江妃抑爭
憐於月姊矧夫天南介士海內狂生進慕圖麟
之寵退希吐鳳之名敢云范叔乃作虞卿不誇
赤仄豈怨華平十獻賦三譚兵長纓不可請短
棹欲何征過沛兮心愴渡淮兮目驚泛牛渚兮
魂蕩瞻龍門兮涕橫自傷蟠木誰嘆浮萍乍興

哀于魚鱉况蓄憤乎鮫鯨于是倚逍遙臨瀟灑
望嬋娟咏窈窕獨鶴唳兮寥寥孤鴻征兮悄悄
烟燿飛而過水兮搖搖蟋蟀啼而上舫兮嫋嫋
聽微吹之生蘋坐斜暉於映蓼但覺夜多寒不
知天欲曉既而紅星度河白露下坡東方喻矦
北望嵯峨村雞不唱城烏自呵林子有感乃爲
之歌歌曰山羅羅兮水番番草木衰兮魚龍多
涼風起兮月沈波行路難兮愁奈何

傷春賦

林初先生詩選

四

青春今冉冉綠草今深深衆遊今此土獨余今
傷心徘徊今江上惆悵今日陰上高今采茶下
低今摘茶棘刺今我履藤牽今我襟欲渡今無
梁欲鼓今無琴騏驎今伏櫪驚鳥今騰岑鷗臯
今入幕鳳皇今巢林非非今成錦誵誵今鑲金
四顧今蹙蹙何處今登臨徜徉今無與結緡今
不禁

五言古

關山曲

行行復行行關山落日明客情似春草無處不
堪生

古意

儂生不如柳歡情那似春春風與柳樹年年是
故人

團扇詞

團扇復團扇宜障芙蓉面只恐秋風來化作西
飛燕

踏青詞

林初先生詩選

五

新繡軟羅鞋試步春郊外雙雙陌上來草色生
裙帶

五言律

長安晚望

春來常忽忽春去故行行野草當街出浮雲繞
郭生河橋閒立馬宮樹亂啼鶯回首關山暮烽
烟幾處明

白雲寺秋夜

俯仰成何事浮沉寄此身無家逢寺好多病見

僧親夜久霜欺客亭空月礙人西風數相過不掃化衣塵

五嶽廟雙槐

種來未十載看已作雙林葉似經翻貝花從佛散金曉烟常帶雨夜月忽啼禽欲訪南柯郡歲蕤一穴深

萬壽寺

一從墮苦海三十四回春張儉生逃漢范曄死入秦狂曾賦鸚鵡窮豈泣麒麟覓得慈航在風

林初先生詩選

大

波莫惱人

香河廢寺

蕭條古道裏慘淡夕陽前楚鳥音如梵閒花意亦禪客來門不掩僧去磬猶懸寂寂雙林樹風霜自歲年

昌平道中

三輔雄圖繞九陵佳氣浮星文猶北向山色自西流春好年年晚月寒夜夜秋行人遙指點道是古幽州

寒食郊外

啼鴉亂寒食走馬逐春遊雨過新降草烟生古墓楸青精寧却病藍尾不消愁空有千鄉淚楊花風裏流

長安五日

五日五回過都如客裏何不堪讀楚些况復聽燕歌流水喧車馬薰風醉綺羅那知遼海外戰鼓未歸多

揚州五日

林初先生詩選

七

今日揚州渡風光絕可憐榴花紅妬酒荷葉綠愁船橋鎖六朝水樓開五月天菱歌何處起騷客獨茫然

七夕客次

忽忽火西流人間又一秋關山思繫鴈河漢望牽牛露冷吳江樹月明淮水樓寶家有少婦此夕不勝愁

淮南吐漿臺吊王英公

孤祠千載後不是漢人開劉項俱天意韓彭只

將才九江殘水過六國故山迴惟有啼鴉亂黃昏下此臺

十五夜淮上雪

一雪當元夕淮南十倍春寒生銀樹月清殺玉樓人豈嘆貂裘敝應憐鶴氅新瑤華若可贈河水渺無津

淮上逢虞履信年兄罷縣還閩

兄弟重相見風波總可憐賈生上策後屈子著騷前淮水寒無渡遼烽夜有烟傷心此對酒異

林初文先詩選

地復殘年

蕪湖晚泊

楚水連天處吳山落日時人家依樹轉客棹入雲移北望千峯亂南來一鳥遲江洲有芳杜采采欲遺誰

立秋歷陽

何處秋聲起蕭然過歷陽帶將風露爽散作水雲涼白苧傳新曲黃花憶故鄉莫教吳市去吹夢入西廂

秋日歷陽大觀樓

支離五六載片棹出重遊未買花間酒先登水上樓江山懷舊日風雨感新秋一望天南道青

歷陽道中

看山出江郭秋色曉蒼蒼野水上道路涼風吹衣棠蟬吟黃葉底犬吠白雲傍十里龍蔥氣人言太子湯

春日送別

林初文先詩選

九

春風自多思奈與客情違楊柳頻催別靡無不送歸千山獨上馬一曲兩沾衣回首河梁道迢迢看落暉

滄州留別遷上人

恍惚三生夢逍遙五嶽遊獨憐山寺月相送海門秋楊柳歌中折絮染泣下收何時登彼岸不買別離舟

朱均旺自日本還報警

十六年別域千萬里歸期言語能夷譯衣冠尚

漢儀楚囚操樂日鄭賈犒師時何事和戎者翻
無戀主思

惜別

知無多日別奈此片時何酒懶非干醉曲悲故
不歌片雲橫隻鳳殘月歛雙蛾莫問今宵處淒
涼有夢過

五言絕句

送春

不見春來處那知春去時千山風雨裏一任子

林初文先生詩選

十

規啼

宮怨

永巷春三月寒鴉時一聲不知楊柳色門外可
曾青

七言古

蛾眉篇

團團皎月出秦淮片片涼風入漢街黯黯蒼苔
上繡戶瑩瑩白露下瑤階飛雲渺渺燕山際落
木蕭蕭楚水涯樓外嚶嚶鴻雁陣燈前寂寂鳳

林初文先生詩選

十一

皇釵鳳皇分處花盈鳥鴻雁來時霜滿草十里
蒹葭白鷺洲一聲鴟鴞丹楓道此時玉塞不勝
愁此際香閨無限惱錦字重重和淚封寒衣疊
疊連聲擣擣衣爭自寄征夫封字憑誰送遠途
燕子磯長飛夢共桃花塢冷斷魂孤漢陽有客
悲窮鳥虞坂無人惜伏駒君自他鄉栽草荔妾
從何處采靡蕪憶妾髮如霧憐君角已露八歲
詞鋒飛十歲詩葩吐立馬能將韓子題牧羊解
把蘓卿賦未論掘甕過松陰已報探鐸傍桑樹
十二揚鞭走上關十三獻策論平蠻花迎紫燕
明珠絡柳拂白虹响玉環一望斗牛生寶氣五
陵裘馬失華顏不誇千草錦囊底却驚一箭盡
屏間畫屏掩映芙蓉褥錦囊點綴鴛鴦曲纏綿
繡結一團心綽約絲繩雙裊足得婿共言似羅
敷愛夫自信如弄玉琉璃暮暮蘭膏紅琥珀朝
朝竹葉綠竹葉蘭膏綺閣東鸞蕭鳳吹綵樓中
自未登山和臨水更曾怕雨復愁風無端題柱
別司馬無端舉案送梁鴻蛺蝶園中飛款款驪

駒門外唱匆匆匆匆自當去欸欸誰堪語舉手
牽羅衣低頭吞玉筍今年雁叫北門涼明歲鶯
啼東嶺曙昨日南風撲荔枝今朝西港吹蘆絮
千山萬山夕陽時長亭短亭芳草處雙龍潭外
越王城五虎峯前漢官署漢署天香動桂柯越
城秋艷擁姮娥新郎文史三冬足故國風雲一
日多只謂青錢選易中詎知白雪調難和一從
周宴誇聽鹿幾度秦臺笑盡蛾蓮萼開遲寧敢
怨柳條折盡不堪歌卻生不爲黃金也卞氏其

林初冬集詩選

十二

如白璧何白璧獨懷國黃金多結客年年王孫
遊處處仙郎謫五嶽烽烟屐下青十洲水樹尊
前碧邊霜襯馬踏三陵峽雨吹颿浮七澤澤國
跨天梁陵原繞帝疆雲霞三楚態花草六朝
香紫陌胭脂井紅樓錦繡坊結廬種修竹閉戶
掃長楊他日聞詩禮少年誤文章枇杷空自巧
翡翠向誰光短鋏羞彈暖長裾懶曳陽威時聊
避地懷古更思鄉自恨不登徐庶薦自慚不入
陸宣莊一朝忽作陳翔黨千載能令林類傷林

類翹翹徒自許陳翔烈烈終何補錯將蕭艾作
關看落得鷓鴣爲雞侮樊上自多蠅市中寧有
虎倘教郭解請公孫翻把欄衡送黃祖黃祖乘
船事莫論公孫開閣意猶存不妨慈母曾投杼
何事孤臣尚戴盆夫壻豈無三寸舌君王却
有九重門繞梁不及漢家燕焚木那堪楚國猿
楚國當年貴薪食漢家此日賤耕織令丘谷口
烏啼魂析木津頭雞拂翼幾處長河無水聲幾
處平原無草色陌頭人哭塵昏黃市上鬼號霧

林初冬集詩選

十三

晝黑倚柱悲愁若得知當壚辛苦誰曾識忽傳
一疏凜飛霜豈謂三章深入墨假虎吼街頭驚
蛇伏草側含沙真可傷下石轉堪惻三十月來
盡風波四千里外絕消息却思少小貌如花那
爲艱難心似蕙心似蕙獨在天南望地北貌如
花誰教秋色送春華秋烟一片直秋雨幾行斜
秋樹多驚鳥秋江總斷霞白雲樓上雲如水明
月亭前月似沙十竹娟娟手移在百花冉冉眼
看差蜘蛛當戶網蟋蟀傍窓紗數節三經菊歸

期兩悞瓜篋中悲樂子鏡裏憶秦嘉但見門前
畫羅雀不聞戶外夜啼鴉啼鴉天色寒羅雀人
情冷日日怕黃昏夜夜惜清景迢遞倚銀河淒
涼立金井一庭白榆光四壁頽梧影梧葉飄飄
空似紙難將題字傳夫裏榆花歷歷不成錢安
得買書放兒前官漏悠悠歌舞夜隣春悄悄亂
離年始知白屋郎偏苦更信綠窓女可憐可憐
甯杼柚偏苦下帷幄縱使萬卷藏不如千金握
高鳳嚇鴟鳶大鵬笑蜩鴳殺人端是用蠹蝸生

林初文先生詩選

七古

子底須誇驚驚夜郎放李豈無才天祿投揚非
不學蚕室羞生太史遷馬門餓死東方朔直鈎
難下綸曲木不爲楸暗道莫投珠明時寧買玊
玊鼠未堪猜珠鵲却須裁涸鱗得水終生浪伏
蟄乘春定作雷乍報西師起復傳東寇來鼓聳
沸鼉窟烽火暗龍堆市井新兵動桑麻舊稅催
賈生初下涕郭氏未登臺撫髀應慨慷握髮正
徘徊食客不嫌收狗盜消人詎肯棄龍媒佛輪
宵宵三身轉帝網恢恢一面開晉子有能曾受

塊韓郎何罪不然灰妾今不恨月邊月長倚月
華瞻漢闕妾今不怨山上山遙隨山色盼燕關
勸君莫羨鳥中驚驚爲愛毛映水絕勸君莫笑
草中葵葵能衛足向陽欹關上寒來早客邊衣
到遲床頭知易盡帶眼怕頻移本是浮雲壻寧
爲孟浪兒且看梁畔枕莫論橋中棋禍福門無
向窮通路有岐青雲半流落紅顏多別離茂陵
風雨千秋夢楊子波濤一夜悲也道儂家非鳳
頸那知郎輩是蛾眉

林初文先生詩選

五古

小山篇贈淮上王隱君

淮水平平山突突淮月亭亭風發發王君結廬
淮之東占斷山水和風月月明夜夜當君門憑
君相對酒盈尊風光歲歲入君戶爲君吹開花
滿樹水聲日日傷君琴與君調出太古音山色
時時迎君屐願君留下千年跡羨君色相生來
全美君名利脫除偏纔了尚平昏嫁債便結玄
真漁樵綠丹竈陰陽火黃庭內外篇鷓鴣居宴
宴蝴蝶夢便便旣種林間杏亦栽社裏蓮數頃

白雲小隱地一聲清磬大羅天我本烟霞人猶
作風塵客幾過王孫祠未識仙翁宅昨日尋君
度翠微蒼苔一徑引柴扉昨夜伴君坐青幌絲
蘿四壁流蛩響霜華結曉嵐星彩散寒曇啞啞
鴉啼井寥寥大吠菴烹茶掃葉爨沽酒穿雲擔
紫蟹肥當筍黃花瘦傍簪道從醒處解禪向醉
中叅不作鍾山勒聊爲碣石譚主人能投轄客
子媿停驂黯黯辭雲壑飄飄出月潭懷珠光滿
袖采藥香盈籃未道青牛過尹喜已隨白鶴見

林初全詩選

其

蕪耽當時窮鬼空留五今日病魔忽去三却是
十年游海內不如一度訪淮南

杏林篇謝余醫士

君術輕扁鵲我病多司馬相逢淮水濱宛在衡
山下論交固有緣濟世豈無詮甚爲小兒苦幸
得丈人憐念我命不偶遭此陽之九謗譽總由
箕死生那在斗曾讀止桑詩寧歌種豆詞涸魚
未足嘆窮鳥迺何悲朝飲芙蓉露夕宿薜蘿圖
七情旣中摧六脉因外驚豈無火棗丹與彼水

挑丸不奈心長熱况茲瞻尚寒感君九折臂爲
我一揮淚授以隱景方投之降氣餌一鍼窮鬼
號再砭愁魔迹三湯已易髓四火將伐毛拍拍
楚魂起恬恬越吟止那知盆下人忽見壺中子
吁嗟夫道不孤君能療國終須試我欲殺身何
所圖願借赤霞鼎爲開白虹影先剗共工腸後
斷單于頸真人本自識英雄烈士安能受困窮
但使姓名麟閣上敢忘功果杏林中

春城行

林初全詩選

七

少年遊冶春城曲春風爛熳芙蓉褥一時相見
便相憐君貌如花我如玉君今作婦落娼家我
猶爲客滯京華只此相看可相泣何須江上聽
琵琶蛾眉自古有人妬寂寞長門誰擬賦落花
流水自年年青春總被紅顏悞感君相念轉相
悲淚滿闌干不敢垂幾度徘徊花下立鶯啼宮
樹夕陽時

少年行

君不見長安俠少年酒底高歌花底眠聞雞走

馬千金散何曾盜箇官家錢一朝忽報邊烽起
從軍不肯別妻子但言割地與和親不愁戰死
愁羞死

七言律

金陵懷古

長江一洗六朝兵江北江南無限情剩水殘山
吳故壘閒花野草晉空城石頭古樹逢秋落浦
口寒潮入暮生最是天涯留滯客不堪商女蹋
歌聲

林初文先生詩選

十六

燕山吊古

蕭瑟西風起夕陽邊城八月倍淒涼燕昭臺上
寒鴉亂樂毅村前野草荒送客更誰歌易水行
人空復說甘棠十年馬首餘孤劍歷盡秦關與
漢疆

暮春登燕子磯懷古

楊子江南燕子磯楊花燕子一時飛六朝人物
空流水兩晉山川盡落暉草色遠迷瓜步去潮
聲暗打石頭歸倚闌天際春三月惆悵東風動

客衣

天津城樓

落日孤城一倚樓烽烟萬里使人愁笳聲出塞
寒偏咽旂影橫波暗不流裾似鄒生何處曳
如班氏未堪投朔風吹盡關河雁那得音書到
海頭

潞河驛

冷風殘雪潞河灣十載家鄉一日還不作楊雄
投漢閣寧爲樂毅出燕關漠南廬帳連三輔海

林初文先生詩選

十九

上樓船動百蠻無路報恩空有劍春明回首淚
潏潏

居庸關見阻示同行

怪得關前逐客頻匈奴早晚欲和親無繻應不
空還漢有舌何須定說秦雨氣千峰營幕曉梨
花三月寒門春憑君斗酒城頭話猶勝新豐店
裏人

紫荆關道中聞邊報

幙南千里昔曾空總是將軍百戰功自有衛青

堪破虜如何魏絳便和戎旄頭夜動陰山白鼓
角寒吹落照紅好向燕然重勒石勲名莫遣漢
人雄

定海平倭第一關

一望滄溟盡百蠻孤城迢遞白雲間笳吹細柳
三春月弓挂扶桑萬里山越貢不通何事急漢
關未閉幾時閑回頭二十年前夢惟有東風海
上還

潯陽江樓

林初文先生詩選

二十

楚天愁思入秋多落日危樓奈客何九派江聲
都帶雨二孤山色半含波霜前薜荔猶堪采露
下蒹葭不可歌曾到漢陽峰頂望十年踪跡片
鴻過

黃鶴樓有引

余被趙氏之冤幸脫禍生之禍因感二
子過此吊之嗟夫今世不可知矣千載
之下亦復有吊林章者乎丁酉秋八月
志

望東山川是楚鄉美人何處水茫茫
留江夏趙壹辭家出漢陽鶴去未知芳草暗鴈
來先覺白雲涼倚樓無限西風意堪與千秋一
斷腸

陳漢陽同年招飲晴川閣應城田功甫孝
廉適携酒至余於功甫爲初識而別漢陽
則十年矣時當七夕書以記之

木葉西風漢渚波高樓徙倚晚涼多十年易作
人間別七夕難爲客裏過陳子榻前堪對酒田
郎座上好彈歌孤城漏下雙星見牛女娟娟正
渡河

林初文先生詩選

五

項王廟

大江南北水潯潯千古英雄一夢間戰馬自嘶
營草去渡船空載陣雲還黃昏雙塚秦時月青
壘孤祠漢代山莫上高樓西際望愁人殺氣滿
函關

關王廟

生獨英雄死獨靈雲臺麟閣漫圖形只今錦里